

RHETORICA

CYPRIANI SOARII

SOCIETATIS JESU

EXEMPLIS ILLUSTRATA.

LIBER I.

DE

INVENTIONE.

Inventio est excogitatio rerum verarum aut verisimilium, tam ad faciendam fidem, quam ad motus animorum excitandos. Quoniam igitur primum oratoris munus est, Invenire, dabit is operam, ut inveniat primò, quemadmodum fidem faciat iis, quibus volet persuadere: deinde quemadmodum in eorum animis motum excite. Fontes è quibus hauriuntur argumenta, ab Aristotele Loci Rhetorici nuncupantur; qui nihil aliud videntur esse, quam nota quedam, quibus admonemur, quid in rebus per vestigare oporteat. Hos, ubi res ad dicendum proponitur, Orator diligenter inspiciat, & quod aptum erit, cum judicio seligat: neque enim semper nec in omnibus causis nec ex iisdem locis eadem argumentorum momenta sunt.

Arist. l. 2. c. 24.

Fidem facit Orator Argumentis, motum amplificationibus.

Est autem Argumentum probabile inventum ad facien-

dam fidem: sive, est ratio rei dubia faciens fidem. Ar-
gumenti verò explicatio dicitur Argumentatio.

CAPUT I.

DE

LOCIS RHETORICIS.

Alli sunt intrinseci, alii extrinseci: Ex illis eruuntur argumenta intrinseca, quæ insunt ipsi rei, de qua agitur: ex his extrinseca, quæ extra rem sunt, & aliunde petuntur: ut, si probes, eloquentiam esse expectandam, quia est ars bene dicendi; uteris argumento intrinseco: si idem probes, quia Aristoteles id dixit, argumentaris ab extrinseco: non enim auctoritas Aristotelis ipsi eloquentiæ inest.

ARTICULUS I.

DE

LOCIS INTRINSECIS.

Sunt numero sexdecim; Definitio, Partium Enume-
ratio, Notatio, Conjugata, Genus, Forma, Si-
militudo, Dissimilitudo, Contraria, Adjuncta,
Antecedentia, Consequentia, Repugnantia, Cau-
sa, Effectus, Comparatio.

DE

DEFINITIONE.

Questio I. Quid est, & quomodo fit definitio?
Res. *Definitio est oratio explicans naturam rei;*

sive

R H E T O R I C A E

5

sive, est oratio, quæ id quod definit, explicat, quid sit: ut, virtus est recta animi affectio: Rhetorica est ars bene dicendi.

Modus faciendæ definitionis hic est: primò invenitur aliquid, quod res definienda commune habet cum aliis; deinde quaeritur aliquid, per quod differt ab aliis: primum Philosophi Genus appellant; alterum, Differentiam. Sic in definitione Rheticæ, Ars genus est, quia est aliquid commune & Rheticæ, & Grammaticæ, & Poësi & multis aliis, Bene dicendi differentia est, quoniam per hoc Rheticæ differt ab omni alio: verum hæc definiendi ratio magis Philosophis, quam Oratoribus usitata probatâque est. Hi enim ratiō per genus & differentiam, s̄epissimè vero rem per effectus suos, causas, similia, aliaque id genus describunt atque definiunt.

Sic Cicero L. 5. tūcul qq. definit Philosophiam: O vita Philosophia Dux! Indagatrix Virtutum! Virtorum Expultrix! Mater omnium Artium! ut ait Plato, Deorum inventum! & L. 2. de Oratore definit Historiam: Historia testis temporum, Lux Veritatis, Vita Memoria, Magistra Vita, Nuncia Veteratis.

Hominem à causis definire potes: Animal à Deo conditum ex mortali corpore, ratione prædictum, factum ad beatitudinem sempiternam.

Questio 2. Quænam definitio maximè celebratur apud Rethores? s̄. ea, quæ fit per negationem & affirmationem; quā primò quidem dicitur, quid res non sit; deinde quid sit. Ita Cicero definit consulatum Pisonis.

Tu etiam mentionem facies consulatus tui? aut te fuisse Roma Consulem dicere audebis? quid? tu in Lictoribus,

in toga, in prætextū esse consulatum putas? que ornamen-
ta etiam in sext. Clodio, te Consule, esse voluisti. Hujus
tu Clodiani canis insignibus consulatum declarari putas?
animo Consulem esse oportet, consilio, fide, gravitate,
vigilantia, cura, toto denique munere consulatus.

Et oratione pro domo sua, populum Rom. definit:
An tu populum Rom. illum esse putas, qui constat ex iis,
qui mercede conducuntur? qui impelluntur, ut vim affe-
rant magistratibus? ut obsideant Senatum? optent quo-
tidie cædem, incendia, rapinas? quem tu tandem popu-
lum, nisi clausis tabernis, frequentare non poteras?
O speciem dignitatēmque populi Romani! quam Reges,
quam nationes ceteræ, quam gentes ultimæ pertimescant,
multitudinem ex servis conductis, ex facinorosis, ex egen-
tibus congregatam. Ille, ille populus Rom. est, Dominus
Regum, Victor atque Imperator omnium Gentium, quem
illo clarissimo die, scelerate! vidisti; tunc cum omnes Prin-
cipes civitatis, &c. Ad normam horum exemplorum
definire poteris Christianum, amicum, Regem &
quidlibet aliud.

Questio 3. Quomodo Argumentum dicitur à de-
finitione? &c. Quod convenit definitioni, conve-
nit etiam definitio, & contrà. Unde rem aliquam fu-
giendam vel amplectendam esse probabis, si per defi-
nitionem ostenderis bonam esse vel malam. Sic v. g.
ut probes ebrietatem vitandam, definias eam flagitio-
rum matrem, rixarum nutricem, vita dedecus, animæ
corruptelam &c. & conclude eam igitur fugiendam
esse. Contrà virtutem non esse ridendam probabis,
definiendo illam E. G. hoc modo: amare honestatem,
agere vitam rationi conformem, summo rerum om-
nium arbitrio sese submittere, ejus parere legibus, ob-
sequi

Se qui voluntati, hæcne ejusmodi esse putabimus, ut ea
qui præstiterit, perulantibus hominum linguis, risu,
cachinnis excipi ac traduci mereatur? Ut probes, Phi-
losophiam amandam esse; sic argumentare; vita Dux
est Philosophia, Indagatrix Virtutum, Vitiorum Ex-
pultrix, Mater omnium Artium; igitur amanda est.

D E PARTIUM ENUME- RATIONE.

Questio 1. Quid est Partium Enumeratio? Est
Oratio, quā totum in suas partes distribuitur.
Sic Corpus distribuitur in caput, manus, pedes &c.
Virtus in prudentiam, fortitudinem, temperan-
tiam &c.

Caput in frontem, oculos, genas &c Valet hic
locus mirificè ad illustrandum & amplificandum.

Cicero pro Lege manilia, virtutes bellicas Pompejū
enumerat, ut prober, eum fore optimum belli Impe-
ratorem. Ego enim sic existimo, in Summo Imperatore
quatuor has res inesse oportere; Scientiam rei militaris,
virtutem, autoritatem, felicitatem &c. ubi singulas illas
divisionis partes eleganter pertractat.

Cicero in Pisonem. Non enim nos color iste servilis,
non pilosæ genæ, non dentes putridi deceperunt: oculi,
supercilia, frons, vultus denique totus, qui sermo qui-
dam tacitus mentis est, in errorem homines impulit.

item. Senatus odit te, videre equites non possunt: plebs
Romana perditum cupit, Italia cuncta execratur.

Questio 2. In quo consistit vis argumenti, quod
ducitur à partium enumeratione?

8 LIBER I.

M. In eo, quod quidquid verè affirmatur vel negatur de Partibus omnibus, illud etiam rectè affirmari vel negari possit de toto.

Adverte autem, in arguimento à partium enumeratione sumendas esse omnes partes, ita ut nulla relinquitur: ut, si velles probare, calliditatem non esse virtutem ac diceres: calliditas non est justitia, nec prudenteria, nec fortitudo, nec temperantia; igitur nec virtus est.

Cicero divinat. In verrem, per partes enumerat, quidquid verres ubique locorum nequiter egerit.

Putasne te posse, quæ C. Verres in quæstura, quæ in legatione, quæ in pretura, quæ in Roma, quæ in Italia, quæ in Achaea, Asia, Pamphiliaque patrariis, ea quemadmodum locis temporibusque divisa sunt, sic criminibus & oratione distinguere?

Et verrinâ 6tâ, omnia verris furtâ enumerat, ut probet insignem fuisse furem.

Nego in Sicilia tota, tam vetere, tam locuplete Provincia, tot oppidis & familiis ullum argenteum vas, ullum eorinthiacum aut deliacum fuisse, nego ullam gemmam aut margaritam fuisse, aut quidquam ex auro aut ex ebore factum, signum ullum marmoreum, eburneum; nego ullam picturam neque in tabulis, neque textilem fuisse, quin quæsierit, inspexerit, quod placitum sit, abstulerit. Philipp. 2. probat Antonium non esse Consulem. Negat hoc Brutus Imperator, Consul designatus, natus Reip. Civis: negat Gallia; negat cuncta Italia; negat Senatus, negatis vos: quis igitur illum Consulem, nisi latrones putent?

Illiustris est & illa partium enumeratio, quæ Trajanî in urbem ingressus in Plinii Panegyrico describitur.

Ergo non etas quemquam, non valetudo, non sexus

rester-

retardavit, quo minus oculos insolito spectaculo impleret:
Te parvuli noscere, ostentare juvenes, mirari senes, ægri.
quoque, neglecto medentium imperio, ad conspectum tui,
quasi ad salutem sanitatemque prorepere. Alii se satis
vixisse te viso, te reperto; alii magis vivendum esse sibi
predicabant. Videres referta tecta & laborantia; opple-
tas undique vias; alacrem hinc inde populum &c.

D E NOTATIONE.

Questio 1. Quid est Notatio sive Etymologia nominis?

R^s. Est locus, qui verborum originem & significa-
tionem inquirit. Sic Consul à consulendo, Senatus
à senibus, Imperator ab imperando dicitur.

Ovidius à senibus nomen mitte Senatus habet.

Et; Aprilem memorant ab aperto tempore dictum.

Questio 2. Quomodo argumentum ducitur à no-
tatione?

R^s. Tametsi raro ab hoc & à sequenti loco argumen-
tum ducitur, quod ad probandum valeat, utimur
tam en iis, quod delectent; præcipue cum in nomine
alicujus laudem aut dedecus invenimus. Argumentum
fit hoc modo: si Consul est, qui consulit partiae, non
igitur Piso Consul, qui eam evertit.

Si verus Imperator est, qui sibi novit imperare,
ergo Nero verus Imperator non fuit, qui nescivit sibi
imperare.

Cicero Verrem magnum furem esse probat ex nomi-
ne; quod bona omnia è domibus evertat.

Et Chrysogonum de avaritia redditus suspectum, quia
nomen ejus aurum significat. A 5 DE

DE

CONJUGATIS.

Questio 1. Quid conjugata? **R₂**. Conjugata dicuntur, quæ sunt ex verbis ejusdem generis; id est, quæ orta ab uno variè commutantur. Ut, sapiens, sapienter, sapientia: Consul, consulo, consularis: Pius, piè, pietas.

Questio 2. Quomodo à conjugatis dicitur Argumentum?

R₂. Cicero L. 2. de Orator: hoc utitur exemplo: Si pietati summa tribuenda Laus est, debetis moveri, cum Marcellum tam piè lugere videatis.

In Pisonem; cum esset omnis causa illa mea consularis & senatoria; auxilio mihi opus fuerat & Consulis & Senatus.

Philipp. 11. Quos ego orno & nempe eos, qui ip̄i sunt ornamenta Reip.

Pro M. Marcel. Ceteros quidem omnes viatores jam nre aequitate & misericordia viceras; hodiernâ die te ipsum viciſti... ipsam Victoriaν viciſſe videris, cum ea ipsa, quæ illa erat adepta, victis remiſisti. Recte igitur invictus es, à quo etiam Victoria ipsius conditio visque devicta est.

Terent. Homo sum; humani nihil à me alienum puto.

DE

GENERE ET FORMA.

Questio 1. Quid Genus & Forma?

R₂. Genus est quoddam totum, plures continens sub se partes, communione quadam inter se similes,

les, specie tamen differentes. Sic Virtus genus est, quia sub se continet tanquam partes, Prudentiam, Justitiam, Fortitudinem, & Temperantiam; quæ sunt in eo quidem similes, quod earum quælibet sit virtus; differunt tamen, quia diversa est earum natura virtutum.

Sic animal est genus, quod sub se continet canes, equos aliasque brutorum species, quæ licet in eo sint similes, quod singulæ sint animal, differunt tamen in eo, quod diversa sit istorum animalium natura.

Forma dicitur pars generi subiecta, sive id, quod sub genere continetur. Sic equus continetur sub nomine communi, animal: prudentia sub nomine communi, virtus: Hinc virtus & animal sunt genus; equus & prudentia sunt forma.

Questio 2. Quomodo fit argumentum à Genere & Forma?

R. 1. Argumentum à genere sit, ostendendo, id, quod generi convenit, etiam convenire formæ, seu parti generi subiectæ: ut, *Virtutis Laus in actione consistit, ergo etiam Laus prudentiae in actione constituit.* Item nulli vitio obnoxius est, ergo nec avaritia aut ebrietati.

Ratio est; quia quidquid generi tribuitur aut negatur, id pariter iis, quæ sub genere continentur, tribuitur aut negatur.

R. 2. à Forma sic argumentaberis: Amat justitiam, ergo virtutem; odit avaritiam, ergo odit aliquod vitium.

Cicero in oratione pro Milone dicit argumentum à genere, ac probat, licere aliquando, occidere pravum hominem; ex quo infert, quod etiam licuerit Miloni occidere insidiatorem Clodium.

Quid

Quid comitatus nostri, quid gladii volunt? quos habere certe non liceret, si uti illis nullo pacto liceret. Est enim hac non scripta, sed nata lex &c.

Et pro Archia Poëta, Poësin ac Poëtas universè laudat, sit igitur sanctum apud vos humanissimos homines hoc Poëta nomen, quod nulla unquam barbaria violavit &c. In eaque thesi, seu communi Poëtis omnibus laude, magnam orationis bellissimæ partem consumit, ac tandem descendit ad Laudes Archiæ Poëtæ.

D E S I M I L I T U D I N E.

Questio. Quid similitudo?

R. Est, cum traducimus ad rem quampiam aliquid, ex re dispari, simile: sive, est duarum vel plurium rerum, in aliqua ratione, convenientia: sic Consul Urbis & Gubernator Navis, sunt duo, quæ in ratione gubernandi convenientiunt.

Etsi parum est similitudini roboris ad probandum, maximum tamen ad rem explicandam valet, mirificèque delectat. Habet illustria apud Tullium exempla.

Phil. 8. *In corpore si ejusmodi est, quod reliquo corpori noceat, utri ac secari patimur membrorum aliquod potius, quam totum corpus intereat: sic in reipublicæ corpore ut totum salvum sit, quidquid est pestiferum amputatur.*

Pro Cquentio. Ut Mare, quod naturâ suâ tranquillum sit, ventorum vi agitatur ac perturbatur, sic & populus Rom. suâ sponte placatus, hominum seditionis vocibus, ac violentissimis tempestatibus concitatur.

Philip. 4. *Faciam igitur, ut Imperatores institutâ acie solent; quoniam paratissimos milites ad praeliandum videant, ut eos tamen adhortentur; sic ego vos ardentes & eratos ad libertatem recuperandam exhortabor.*

Pro

Pro Comœdo. Ut ignis in aquam conjectus continuo
restinguatur, & refrigeratur, sic referens falsum crimen in
purissimam & castissimam vitam collatum statim concidit
& extinguitur. Observa ex qualibet locutione metapho-
rica mox aptam similitudinem deprehendi. v. g. Ho-
minem nimis liberum, effrenem vocamus; ob istius-
modi hominis cum equo indomito & effreni simili-
dinem. Et sic de cæteris metaphoris.

D E

DISSIMILITUDINE.

Questio. Quid est Dissimilitudo?
Res. Est duarum vel plurium rerum, in aliquæ
tatione, disconvenientia. Sic lupus & agnus; Juris-
peritus & Belli-Dux; Christi affecula & Barbarus scytha;
in moribus & studiis disconveniunt: Argumentum sic
formabis: Barbari scythæ se suos in hospites gerunt
crueliter: igitur nos decet in eosdem humanos esse.
Item: Si Barbarorum est, in diem vivere, nostra con-
silia sempiternum spectare debent.

Cicero orat. pro Muræna per dissimilitudinem pro-
bat, Murænam bellum Imperatorem Sulpicio Juriscon-
sulto præferendum esse.

Qui potest dubitari, quin ad consulatum adipiscendum
multo plus afferat dignitatis, Rei Militaris quam Juri
Civilis gloria? vigilas tu de nocte, ut tuis consultoribus
respondeas: ille, &c. ed, quod intendit, mature cum exer-
citu perveniat: te Gallorum, illum buccina cantus ex-
fuscat: tu actionem instituis, ille aciem instruit: tu ca-
ves, ne tui Consultores, ille ne Urbes aut Castra capian-
tur: ille tenet & scit, ut hostium copie; tu, ut aque plu-
via arceant. &c.

DE

D E C O N T R A R I I S.

Contraria vocantur, quæ in eodem subjecto vel esse non possunt, vel si fuerint, necessariò inter se pugnant. Sunt autem quatuor contrariorum genera; *Adversa, Privantia, Relata & Negantia.*

Questio I. Quid sunt Adversa?

Sunt ea, quæ maximè inter se distant, & ab eodem subjecto se expellunt, talia sunt Bellum & pax, virtus & vitium, sapientia & stultitia.

Ab adversis sic ducitur argumentum: odiosum est bellum, ergo pax expetenda. Sequenda virtus; igitur vitium fugiendum.

Cic. in Top. Si stultitiam fugimus: sapientiam sequamur; & bonitatem, si malitiam.

Cicero Catil. Ex hac parte pudor pugnat, illinc petulantia: hinc pudicitia, illinc stuprum: hinc fides, illinc fraudatio &c. Postremò copia cum egestate, bona & rata cum perdita, mens sana cum amentia, bona demique spes cum omnium rerum desperatione confligit.

Et oratione pro Cælio de Catilina sic loquitur: *Noque ego unquam fuisse tale monstrum in terris unum puto, tam ex contrariis diversisque inter se pugnantibus natura studiis cupiditatibusque conflatum. Quis clarioribus viris quodam tempore jucundior & quis turpioribus conjunctior? quis civis meliorum partium aliquando? quis terrior hostis huic civitati? quis in rebus publicis inquinatior & quis in laboribus patientior? quis in rapacitate avarior & quis in largitione effusior.*

Quæ-

Questio 2. Quid Privantia?

R. Sunt res & privatio rei. Ut, vita & mors, visus & cæcitas, silentium & loquela, lux & tenebræ. Mors enim est privatio vitæ, cæcitas visus, tenebræ lucis, silentium loquelæ.

Ab his sic argumentaberis. Vita misera est, igitur mors optanda: lux jucunditatem parit, igitur tenebræ tristitiam. Visus innumera affert pericula, igitur cæcitas securior.

Cicero Catil. 1. *Quid est Catilina!* ecquid attendisse ecquid animadvertis eorum silentium: patiuntur; tacent. *Quid exspectas authoritatem loquentium, quorum voluntatem tacitorum perspicis?*

Pro Milone. *Eius igitur mortis sedetis ultores, cuius vitam, si putetis per vos restituiri posse, nolitis.*

Questio 3. Quid Relata?

R. Sunt ea, quæ inter se conferuntur, ita ut unum sine altero intelligi non possit.

Talia sunt, datum & acceptum, discere & docere, pater & filius, dux & miles &c.

Argumentum. Si discere est honestum, ergo & docere. Et Cicero pro Marc. *Ex quo profectò intelligis, quanta in dato beneficio sit laus, cum in accepto tantæ sit gloria.*

Questio 4. Quid sunt Negantia?

R. Sunt ea, quorum unum negat alterum; ut, probus & improbus, sapiens & insapiens, dives & inops &c. Unde rectè sic concludes; si probus est, quo pacto improbitatem istam exercere potuit? Dives est, igitur patiperifuratus non est.

Cicero ad Heren. *Quare igitur unde iste tam pecuniosus auctus sit? amplum patrimonium relictum est?* at pa-

teris bona vñierunt. Hæreditas aliqua obvenit & à necessariis omnibus exhæredatus est.

Cicero orat. pro Cælio probat, Eloquentiam & labores quotidianos Cælii cum amorum blandimentis stare non posse.

Arqui scitore, eas cupiditates, quæ objiciuntur Cælio, atque pœc studia, non facile in eodem homine esse posse fieri enim non potest, ut animus libidini deditus, hoc, quidquid est, quod nos facimus, in dicendo non modo & agendo, verum etiam cogitando possit sustinere. An hic, si se isti vita dedisset, consularem hominem admodum adolescentis in judicium vocavisset? hic si laborem fugeret, si obstrictus voluptatibus teneretur, in has acie quotidie versaretur?

D E A D J U N C T I S.

Questio. Quid sunt adjuncta, & quomodo ab his ducitur argumentum?

R^ep. Adjuncta sunt ea, quæ cum re sunt conjuncta, ut, Genus, Natio, Patria, Ætas, Educatio, Fortuna, Occasio, Locus, Tempus, & alia, quæ rem circumstant, & vulgo circumstantiae dicuntur.

Adjuncta rei præcipua sequenti versiculo continentur:

Quis, quid, ubi, quibus auxiliis, cur, quomodo, quando. Quis personam indicat, à qua res gesta est: Quid ipsam rem. Ubi locum, in quo gesta: quibus auxiliis, arma, instrumenta, adjutores rei gestæ. Cur causas, consilia: Quomodo modum exprimit: Quando tempus notat.

Argumentum ab adjunctis sic facies: vesperi vifus est,

est cum gladio, in loco, ubi cædes facta est, ergo cædem fecisse meritò creditur.

Est incredibili virtute prædictus; non ergo fædus violavit. Cicero orat. pro Milone, probat ab adjunctis, non Milonem Clodio, sed Clodium Miloni insidias struxisse. Si hæc non gesta audiretis, sed picta videretis, tamen appareret, uter esset insidiator, uter nihil cogitaret mali, cum alter (Milo) veheretur in Rheda penulatus, unà sederet uxor. Quid horum non impeditissimum? vestitus? an vehiculum? an Comes? quid minus promptum ad pugnam, cum penula irretitus, Rhedâ impeditus, uxore pene constrictus esset. Videte nunc illum, primum egredientem è villa subito; cur vesperi? quid necesse est? qui convenit, præsertim id temporis? Nunc iter expediti Latronis (Clodii) cum Milonis impedimentis comparete. Semper ille antea cum uxore, tum sine ea: nunquam non in rheda; tum in equo: Comites Graculi, quounque ibat; tum nugarum in Comitatu nihil &c. Cur igitur vixus est? (Clodius) quia non semper viator à latrone; nonnunquam etiam latro à viatore occiditur.

Potens est iste locus ad probandum, & ad amplificandum fertilissimus: unde in rebus per adjuncta deducendis multum se tyro exerceat. Exemplum cape Aliud.

Judas prodidit Christum.

Illiis Propositionis hæc Adjuncta sunt. Quis prodidit? Quem, Quibus, & Cum prodidit? Quibus auxiliis, Quomodo, Ubi, & Quando prodidit?

(*Quis*) Immanis ille furcifer ac latro tetrum illud horribilèque hominis monstrum , ex omni scelere concretum , ex omni coagulatum malitia, vilissimus ille , detestabilisque servus, homuncio, transfuga; (*Quem*) Ducem, Dominum ac Deum suum , omnis sanctimoniae fontem , omnis thesaurum sapientiae , hujus universitatis Effectorem, summumque arbitrum ; (*Ubi*) ni horto divinis dudum ipsius vestigii, precibus ac lachrymis , nunc etiam fuso humi sanguine , recens consecrato ; (*Quando*) hac eadem nocte , quâ post celebratam cum illo cœnam lutulentos ejus pedes Christus ipse abluerat , & extaserat, (*Cur*) cœstro avaritiæ percitus , turpissima pecuniæ cupiditate stimulatus & incensus , (*Quomodo*) non aperta vi, sed dolo irruens , non denuntians palam bellum , sed pacem simulans , ficta salutatione , pestilenti complexu , atroci osculo ; (*Quibus*) nefandæ carnificum cohorti , quibus erat , & infensissimis inimicis , ejus vitæ jam diu insidiantibus , per inauditam execrabilèmque perfidiam vinciendum , excruciantum , ac contrucidandum objecit.

DE ANTECEDENTIBUS ET CONSEQUENTIBUS.

Antecedentia sunt ea, quæ sic antecedunt Consequentia, ut cum ipsis necessariò cohærent, quâ ratione ab adjunctis distinguuntur.

Ab

Ab his sic argumentamur: ortus est sol, igitur dies est; sol enim necessariò diem antecedit.

Consequentia sunt, quæ rem necessariò consequuntur, ut, dies est, igitur ortus sol est. Cicatricem habet, ergo olim accepit plagam: cicatrix enim necessariò consequitur plagam, dies ortum solem. Quanquam adverte, quædam dici etiam antecedentia, quæ probabiliter tantum cum re conjunguntur, tuncque pariter consecutio est tantum probabilis.

Cicero orat pro Muræn ab antecedentibus egregiè probat, Murænam saltatorem non fuisse, quia in eo non reperiuntur ea, quæ saltationem antecedunt; qualia sunt Ineoperantia, Convivia, Deliciae, &c.

Et Philip. 7. ostendit, Antonium urbe recipiendum non esse, propter mala, quæ ingressum ejus consequentur.

DE REPUGNANTIBUS.

Reputgnantia dicuntur, quæ neque certâ lege, neque numero inter se dissident: quâ ratione à contrariis atque dissimilibus discernuntur.

Unde repugnantia inter se quidem contraria non sunt, sunt tamen talia, ut, de quo unum affirmatur, alterum repugnet affirmari.

Exempli causa: amare & odire contraria sunt; at amare & nocere ei, quem amas, repugnantia sunt.

Argumentum ex hoc loco hunc in modum instruitur; amat illum, ergo illi non nocuit, nec læsit, nec convitiis insectatus est illum.

D E
C A U S I S.

Questio 1. Quid & quotuplices est Causa?

R^e. Causa est, quae sua vi efficit id, cuius est causa. Ut, vulnus est causa mortis; cruditas morbi; ignis, ardoris.

Sunt autem quatuor causarum genera: Efficiens, Materialis, Formalis, Finalis.

Causa Efficiens est id, à quo res habet, ut existat. Ita Sol est causa diei, artifex Domus.

Causa Materialis est id, in quo aut ex quo aliquid sit. Ut ex ære statua, ex parietibus domus.

Causa Formalis est forma, per quam res est id, quod est, & à rebus aliis distinguitur. Sic anima est causa formalis hominis, quia est forma, per quam homo est homo & per quam ab aliis rebus distinguitur.

Causa Finalis est, cuius gratiæ aliquid fit. Sic causa finalis domus est ejus usus; belli, pax; hominis, beata vita.

Q. 2. Quomodo dicitur argumentum à causa efficiente?

R^e. Mundus à Deo creatus est, ergo est opus numeris omnibus absolutum.

Cicero de senectute ostendit, voluptatem esse fugiendam veluti causam efficientem malorum omnium.

Accipite optimi adolescentes veterem orationem Archiæ Tarentini, magni in primis & praelaris viri. Nullam capitaliorem pestem quam corporis voluptatem hominibus dicebat à natura datam.

Hinc

Hinc patriæ prodiciones; hinc rerum publ. eversiones; hinc clandestina cum hostibus consilia nasci dicebat; nullum denique scelus, nullum magnum facinus, ad quod suscipiendum non libido voluptatis impelleret: cùmque homini sive natura, sive Deus nihil mente præstabilius dedisset, huic divino muneri ac dono nihil tam esse inimicum, quam voluptatem. Nec enim, dominante libidine, temperantia locum esse omnino, nec in voluptatis regno virtutem posse consistere.

Questio. 3. Quomodo argumentum ducitur à Causa Materiali?

R. Hunc in modum: corpus hominis mortale est, ab ejus igitur societate & contagione immortalis animus avocandus est.

Cicero Verrina 6. exaggerat fuita Verris à causâ materiali candelabrorum &c. quæ rapuerat. Candelabrum è gemmis clarissimis, opere mirabili perfectum, non pauca etiam pocula ex auro, quæ, ut mos est regius, gemmis erant distincta. Erat autem Vas vinarium ex una gemma prægrandi, cum manubrio aureo &c.

Questio 4. Quomodo à causa formalī & finali fit argumentatio?

R. à causa formalī sic argumentare: animus hominis est immortalis, igitur homo ad æternitatem beatæ vitæ debet aspirare:

A finali: Homo factus est ad contemplandum, non eigo ad pastum. Item, homo natus est ad æternam beatitudinem, non debet igitur voluptates & caduca bona consecrari.

Cicero orat. pro sexto probat, ex immortalita-

tate animi, mortem sibi non fuisse timendam.

Tam eram rudis? tam ignarus rerum? tam experis consilii aut ingenii? nihil ipse legendo, quaren-
doque cognoveram e nesciebam vita brevem esse cur-
sum, gloriae sempiternum? cum esset omnibus definita
mors, optandum esse, ut vita, quæ necessitati debere-
tur, patriæ potius donata, quam reservata natura
videretur? Nesciebam, inter sapientissimos homines
hanc contentionem fuisse, ut alii dicerent, hominum
animos sensusque morte restinguiri; alii autem, tum
maxime mentes sapientum ac fortissimorum virorum,
cum è corpore excessissent, sentire ac vigere? quorum
alterum fugiendum non esse, carere sensu: alterum
etiam optandum, meliore esse sensu.

Et orat pro Roscio ostendit Roscium non fuisse
patris occisorem, quod nullum occisionis propo-
situm finem habere potuerit.

D E E F F E C T I S.

Questio. Quid sunt Effecta?

R. Sunt ea, quæ sunt orta de causis: sicut
autem causarum, ita & effectorum quatuor sunt
genera.

Effectus cause efficientis est id, quod ab illa effi-
citur. Sic imago est effectus Pictoris, qui illam
effecit.

Effectus cause materialis est id, quod ex mate-
ria sit: sic statua est effectus æris vel ligni, ex quo
facta est statua.

Effectus cause formalis est illa denominatio, quam
dat causa formalis: V. G. effectus animæ rationalis
est, denominare hominem rationalem. *Effe-*

*Effectus cause finalis est, quidquid ad obtinen-
dum finem adhibetur. Ut, labor & virtutum exer-
citatio sunt effectus finalis æternæ beatitudinis.*

Argumentum ab Effectis validissimum est, &
Ciceroni frequentissimum.

Orat. pro Muræna commendat militarem virtu-
tem per effectuum congeriem.

Hæc nomen Populo Romano, hæc huic urbi æter-
nam gloriam peperit ; hæc orbem terrarum parere
huic imperio coëgit. Omnes urbanae res, omnia hæc
nostra præclara studia, & hæc forensis laus & indu-
stria latent in tutela ac præsidio bellicæ virtutis : simul
atque increpuit suspicio tumultus, artes illico nostræ
conticescunt.

L. I. de Oratore, Eloquentiam ab effectis de-
scribit.

Neque verò mihi quidquam præstabilius videtur,
quàm posse dicendo tenere hominum cætus, mentes alli-
cere, voluntates impellere, quò velis ; unde velis de-
ducere. Hæc una res in omni libero populo maximèque
in pacatis tranquillisque civitatibus præcipue semper
floruit, sempèrque dominata est. Quid tam perrò
regium, tam liberale, tam munificum, quàm opem
ferre supplicibus, excitare afflictos, dare salutem, libe-
rare periculis, retinere homines in civitate ? &c.

DE COMPARATIONE.

Questio 1. Quid & quotuplex Comparatio ?
Res. Comparatio est duarum vel plurium in-
ter se collatio. Estque hæc triplex ; videlicet majo-
ris cum minore, minoris cum majore, Paris cum
Pari.

Unde triplex oritur argumentatio, nimirum à majore ad minus, à minore ad majus, & à pari.

Questio 2. Quomodo sit argumentum à majore ad minus?

Respondet. Cum contendimus, quod id, quod in re maijori valet; valeat in minori; ut: Gigantem vicit; igitur & Pigmæum superabit. O passi graviora! dabit Deus his quoque finem. Virg.

Cic. in Ant. *Quid faceres domi tuae, cum alienam sis insolens.*

Terent. *Quem feret, si parentem non fert suum?* Cicero pro Roscio Amer. probat, mirum non esse, quod Sylla non omnia adverterit, cùm id ne Jupiter quidem possit.

Quid miramur, Lucium Syllam, cùm solus Remp. gereret, Imperiique Majestatem, quam armis receperat, aliqua animadvertere non potuisse? nisi hoc mirum est, quod vis divina assequi non possit, si id mens humana adeptæ non sit.

Et pro Muræna. *Noli tam esse injustus, ut, cum tui fontes vel inimici tuis pateant, nostros rivulos etiam amicis putes clausos esse oportere.*

Questio 3. Quomodo sit argumentatio à minore ad majus?

Respondet. Quando ex affirmatione rei minus probabili concluditur magis probabile, ut, si hostilis exercitus à duabus legionibus vinci potuerit, multò magis à quatuor superari poterit.

Item, Martyres pro Christo sanguinem effuderunt, nos pro eodem levem contumeliam ferre detrectabimus; illi verbera gulerunt, nos verba non fecimus?

Cice-

R H E T O R I C A E

25

Cicero Act. 2. in Verrem. Quid est, quæso Metelle! judicium corrumpere, si hoc non est? quid faceres pro homine innocentे & propinquo, cum propter hominem perditissimum atque alienissimum de officio ac dignitate discedis?

Pro Archia Poëta: Bestia sæpe immanes cantus flectuntur atque consistunt; vos instituti rebus optimis non Poëtarum carminibus moveamini?

Pro Lege Manil. Majores vestri sæpe, mercatoribus ac navicularitoribus injuriis tractatis, bellageserunt; vos, tot civium Romanorum millibus uno nuntio atque anno tempore necatis, quo tandem animo esse debetis?

Questio 4. Quomodo fit Argumentatio à patre.
R. Quando pariter probabile ex patiter probabili concluditur: ut, Beati omnes innocentia vitæ & laborum tolerantiæ ad gloriam æternam pervenerunt; ergo & nos iisdem gradibus oportet ad eandem gloriam ascendere.

Cicero pro Sylla. Neque verò quid mihi irascaris, intelligere possum. Si, quod eum defendo, quem tu accusas, cur tibi quoque non succenses, qui accuses eum, quem ego defendo & inimicum, inquis, accuso meum: & amicum ego defendo meum.

P A R A D I G M A .

Quo ostenditur, ex omnibus locis intrinsecis erui facile argumenta posse, quibus Orator unam eandemque sententiam proberet ac stabilitat.

Sit *Justitia commendanda*.

Locus à definitione segetem uberem dicendi supponit.

ditabit. V. G. Justitia est Regnorum moderatrix, expultrix scelerum, virtutum conciliatrix, pacis alumna, concordiae parens. *Enumeratio partium subjiciet singulos regni ordines, quibus Justitia prodest: nimirum Regibus ad dignitatem, Nobilibus ad splendorem, Civibus ad concordiam, Populis ad unitam societatem, improbis ad frænum, omnibus ad felicitatem.*

Notatio nominis hæc est; Justitia dicitur, quod suum cuique jus tribuat.

Conjugata. Qui justitiâ præditus est, justus dicitur, justèque temp. administrat.

Causa. Deum Authorem habet justitia, cui similem facit hominem.

Effecta. Pax, tranquillitas civium, pietas, religionis cultus, vitiorum extinctio, procreatio virtutum multaque alia bona à justitia proficiscuntur.

Ajuncta sunt ea, quæ cum juris prudentia individuali habent Societatem, ut, studia Philosophiæ, Historiarum, Legum, Exemplorum & tota antiquitatis peritia.

Repugnantia. Quomodo fieri potest, ut vir legum scientiâ præditus, otio, vitiæ molliori, aliisque vitiis obnoxius sit?

Similitudo. Justitia inter virtutes solis instar obtinet: atque ut solis præsentia nimbos dissipat, ita justitia pacem rebus pub. conciliat.

Dissimilitudo. Ut gentes, quibus justitia non illuxit, feram traducunt & agrestem vitam, ita qui illam præcipuo studio colunt, cæteris humanitate præstant.

Comparatio. Si fortitudo, prudentia, cæteræque virtutes laudib[us] dignæ sunt, quod privato cujusque bono consulant; quid justitia, quæ omnium utilitatibus prospicit?

Contraria. Juris prudentia hominum socordiam excutit, tollit literarum contemptum; Justitia verò scelera, dolos, fraudes, rapinas expellit; nonne ergo utraque laudanda est?

De cæteris idem esto judicium. *Lejay.*

ARTICULUS II. DE LOCIS EXTRINSECIS.

Loci extrinseci, ex quibus argumenta remora pertinentur, sunt sex: *Præjudicia, Fama, Tormenta, Tabulæ, Jusjurandum, Testes.*

Questio 1. Quid sunt *Præjudicia*?

R. Sunt Senatus consulta seni decreta jam antè facta, quibus orator utitur ad similem causam simili modo definiendam. Superioribus enim Judiciis, si recte instituta sunt, debent posteriora conformari.

Cicero Milonem defendit ex hoc loco Rhetorico.

Negant intueri lucem fas esse ei, qui à se hominem occisum esse fateatur. In qua tandem urbe hoc homines stultissimi disputant? nempe in ea, quæ primum Iudicium de capite vidit Horatii, fortissimi viri, qui populi Rom. comitiis liberatus est, cum sua manu sororem esse imperfectam fateretur.

Ali-

Aliquando Praejudicium sumitur latius pro qua-
cunque contraria opinione, quæ jam animis Audi-
torum vel Judicum infedit. Hæc initio orationis
evellenda est, ne benevolentiam, attentionem,
aut docilitatem Judicum impedit.

Cicero pro Cluentio. *Quamobrem à vobis, Ju-
dices! antequam de ipsa causa dicere incipio; hoc po-
stulo: primum, id quod æquissimum est, ut nequid præjudi-
cati afferatis: etenim non modò autoritatem, sed
etiam nomen Judicum amitteremus, nisi hic ex ipsis causis
judicabimus: Deinde si quam opinionem jam vestris
mentibus comprehendistis, si eam ratio convellet, si
oratio labefactabit, si denique veritas extorquebit, ne
repugnetis, eamque animis vestris aut libentibus aut
aquis remittatis.*

Questio 2. Quid Fama?

¶ *Est testimonium multitudinis; sive est
sermo sine ullo certo authore dispersus.*

Quod à fama debile petatur argumentum, ostendit Cicero:

Orat. pro Cælio. *At fuit fama: quotus quisque
istam effugere potest in tam maledica civitate?*

Pro Plancio: *Illud unum vos magnopere oro atque
obsecro, ne fidis auditionibus, ne disseminato disper-
soque sermoni fortunas innocentium subjiciendas putetis.
Nihil tam volucre, quam maledictum: nihil facilius
emittitur, nihil latius dissipatur.*

Econtrà ad confirmandam famæ autoritatem
valet illud Plinii junioris in Panegyrico Trajanî.
*Cesar! tales nos crade, qualis fama cujusque est: huic
aures, huic oculos intende: ne respicias clandestinas
existimationes, nullisque magis, quam audiencibus,*
inf-

insidiantes susurros : Melius omnibus, quam singulis
creditur singuli enim decipere & decipi possunt ; nemo
omnes, neminem omnes se fellerunt.

Questio 3. Quid tormenta, seu Questio ?
R. Est cruciatus, quo reus ad Confessio-
nem sceleris adigitur.

De hoc Cicero in topicis ita loquitur :

Facit necessitas fidem, quæ cum à corporibus, tum
ab animis nascitur. Nam à verberibus, tormentis,
igni fatigati quæ dicunt, ea videtur veritas ipsa dicere.

Longè alia Cicero pro Sylla. Illa tormenta gubernat dolor ; moderatur natura cuiusque tum animi tum
corporis : Regit quaesitor, slectit libido, corrumpt spes,
infirmat metus, ut in tot rerum angustiis nihil veritatis
loci relinquatur.

Et L. partit. Dolorem fugientes multi in dolore
ementiti persepe sunt, morisque maluerunt falsum fa-
tendo, quam inficiando dolere.

Questio 4. Quid per Tabulas intelligitur ?
R. Leges publicæ, quibus orator vel ad
cautam suam confirmandam, vel ad adversarium
refellendum utitur.

Cicero pro Milone. Quod si duodecim tabulae
nocturnum furem quoquo modo ; diurnum autem si se
telo defenderit, interfici impunè voluerunt, quis est,
qui quoquo modo imperfectus sit, puniendum putet, cum
videat aliquando gladium nobis ad occidendum homi-
nem ab ipsis porrigi legibus ?

Questio 5. Quid Jusjurandum ?
R. Est, cum aliquid, quæ Deo teste,
affirmatur vel negatur.

De hoc Cicero L. 3. de Offic. Nullum vinculum
ad astringendam fidem, jure jurando, majores arctius esse
volue-

voluerunt; id indicant leges in 12. tabulis; indicant sacra, indicant fædera, quibus etiam cum hoste devin-
citur fides.

E contra pro Comædo sic loquitur: *Qui mentiri solet, pejerare consuevit: quem ego, ut pejeret, exorare facile potero.*

Questio 6. Quid Testes?

Res. Nomine testium veniunt omnes ii, qui voce aut scripto de re, quæ controvertitur, testimoniū ferunt. Hi ab oratore vel allegandi sunt, vel etiam confutandi. Utrumque Cicero præstat variis in orationibus.

CAPUT II. DE AMPLIFICATIONIBUS ET AFFECTIBUS.

Postquam actum est, de argumentis, per quæ fidem faciat orator ac periuadeat; agendum pariter erit de concitandis affectibus, & permovendis hominum animis, quod rerum amplificatione fit. *Est autem amplificatio gravior quedam affirmatio, quæ motu animorum conciliet in dicendo fidem.* De hâc primo, dein de *Affectibus.*

ARTICULUS I. DE AMPLIFICATIONE RERUM.

Rerum Amplificatio sumitur ex iisdem locis Rheticis, quibus illa, quæ dicta sunt ad

R H E T O R I C A E

31

ad fidem faciendam : Maximè tamen valent definitiones congregatae , consequentium frequentatio , dissimilium & inter se pugnantium rerum conflictus & alia quædam , de quibus modò dicetur.

Questio 1. Quomodo fit Amplificatio à Definitionibus congregatis ?

R. Cùm ejusdem rei variæ definitiones in unum locum congeruntur & quasi congregantur , unde & alio nomine , congeries definitionum vocatur hic locus .

Adverte autem , raro ab oratoribus adhiberi definitiones , quæ fiunt per genus & formam ; sed , per causas , effecta , similia , dissimilia , contraria &c.

Cicero orat. pro Milone non satis habens dixisse , à Clodio incensam esse curiam , adjecit definitiones curiæ plurimas , ut motum in animis judicum exicitet . Curiam incendit , quo quid miserius , quid acerbius , quid luctuosius vidimus ē Templum Sanctitatis , amplitudinis , mentis , consilii publici ; caput Urbis , aram sociorum , portum omnium gentium , sedem ab universo populo Romano concessam uni ordini , inflammarī , excindi , funestari .

Orat. pro Sextio. Ignari , quid gravitas , quid integritas , quid denique virtus valeret : qua in tempestate sœva , quieta est , & lucet in tenebris ; & pulsa loco manet tamen atque heret in patria , splendetque per se semper , nec alienis unquam sordibus obfolescit .

Solent ejusmodi definitiones congregatae adhiberi , cùm incalescit oratio , ad amplificandum ea , quæ bene vel male gesta sunt .

Aliæ

Aliæ Definitiones Conglobatæ.

*Definitio Invidiæ.**PER CONTRARIA.*

Invidia: malum genitum à bono; caligo est à splendore oriens, à pulchritudine nata deformitas; à risu lachryma fluens; Rivus est fellis à fonte mellis promanans, proprius ab aliena lætitia dolor. Candid.

*Definitio bona Conscientiæ.**PER SIMILIA.*

Diceres illam esse mare quoddam pacatum semper ac tranquillum, à quo inordinatæ mentis tempestates longius exulant: agrum fertilem, suavissimis virtutum omnium floribus ubique consumit: claram domum ac splendidam, in qua nihil non ornatum; ubi confusio rerum nulla, nulli tumultus, nullæ agitationes; sed quies secura, pax summa atque æterna tranquillitas felicissimum domicilium defixere. Lejay.

*Definitio Modestiæ.**PER EFFECTA.*

Est illa virtus, quæ linguam frænat, ne petulan- tiūs quid audiat: quæ vultum componit & oculos, ne quid superbum aut lubricum præseferant: quæ risum moderatur, ne sit effusus nimis & procax; atque ut uno verbo omnia complectat, Modestia virtus est, quæ hominem ad urbanitatem, decorem, humanitatēmque totum fingit ac componit.

Quæ

Questio 2. Quomodo fit Amplificatio à consequenti frequentatione?

R. Cum ea, quæ rem quampliam mala aut bona consequatur, exponimus.

ut si adversus authorem belli faciendi, enumeres mala, quæ bellum sequi solent: nempe exhaustum ararium, proculatas segetes, incensas villas, eversa mœnia, direpta templæ, confusa divina humanaque omnia.

Aut si suasurus pacem enumeres bona, pacem consecutra; ut securitatem viarum, tranquillitatem urbium, quietem populorum, florem mercimoniorum, opum abundantiam &c.

Cicero pro Muræna. Sed quid tandem fiet, si hæc elapsa de manibus nostris, in eum annum, qui consequitur, reduudârint e illa pestis immanis Catilinæ prorumpet, quæ poterit; jam populo Romano minatur: in agros suburbanos repente advolabit: versabitur in castris furor, in Curia timor, in foro conjuratio, in campo exercitus, in agris vastitas, omni autem in sede ac loco ferrum flammamque metuemus.

4tā Catilin. Videor mihi hanc urbem videre lucem orbis terrarum atque arcem omnium gentium subito uno incendio coincidentem: cerno animo sepultam Patriam, miseros atque inseptitos acervos civium; versatur mihi ante oculos aspectus Cæhegi & furor in vestra cæde bacchantis.

Amplificationes aliæ à consequenti frequentatione.

Tristis est Solis Occasus.

Cerne, ut occidente die, quasi natura omnis esset extincta sepultaque tenebris, amicitur ueste fu-

nebri mundus : ut accense micant toto aethere funesta
faces : ut celum , quod mane præ letitia colliquesce-
at in rorem melleum , sero solvitur in noxium fletum:
ut evanescit orbis pulchritudo ; ut obsolescit splendor
urbium camporumque amanitas ac florum decor : ut
cuncta triste silentium tenet , dum sola noctua , soli
bubones ac rana infestent omnia cantu ferali. &c.
Candid.

A L I T E R.

*Q*uodammodo Solluminum moderator deficeret , rerum si-
mul omnium moderatio interiret. E medio
tolleretur aureus ordo : una confusio regnaret:
in luctu , in tenebris jacerent omnia. Vinetorum
pulchritudo & dignitas desforeceret , herbarum
florumque ridens pictura sordeceret : hominis
ipsius vita inter anticipites librata periculorum aleas
ærumnosissimè luctaretur. Quid enim ? Pelago
te committeres ? te fluctus irati maris absorberent.
Terram pedibus peragrares ? præceps rueres in fo-
veam & interitum. *Palat. Eloq.*

*Q*uestio 3. Quomodo fit Amplificatio à rerum
dissimilium & inter se pugnantium conflictu-
r. Cùm plura argumenta à dissimilibus & inter
se pugnantibus rebus coacervantur.

Ex hoc loco sumpta est elegans illa Ciceronis
amplificatio. Philip. 2. At quam multos dies in ea
villa turpissimè es perbacchatus ? ab horâ tertîâ bibe-
batur , ludebatnr , vomebatur. O tecta ipsa misera !
quam à Dispari Domino ! quanquam quomodo iste Domi-
nus ? sed tamen quam à dispari tenebantur ! Studio-
rum enim suerum Marcus Varro voluit esse illud , non
libidinum diversorium. Quæ in illâ villâ anteà dice-
bantur & quæ cogitabantur & quæ literis mandaban-
tur &

tur ? jura populi Romani , monumenta majorum , omnis sapientia ratio , omnisque doctrina : At verò te inquilino (non enim Domino) personabant omnia vobis ebriorum , natabant pavimenta vino , madebant parietes , ingenui pueri &c.

In Catil. 2. O bellum magnopere pertimescendum , cum sit habiturus Catilina Scortorum cohortem pratorianam . Instruite nunc contra has tam præclaras Catilina copias vestra præsidia , vestrosque exercitus : ac primùm gladiatori illi confecto ac saucio Consules Imperatoresque vestros opponite . Deinde contra illam naufragorum ejetiam ac debilitatam manum , florem totius Italiae ac robur educite . Neque verò ceteras copias , ornamenta , præsidia vestra cum illius latronis inopia atque egestate debeo conferre .

Pro domo sua . Quaso & hominem cum homine & tempus cum tempore , & rem cum re comparate , ille erat summâ modestiâ & gravitate censor ; hic Tribunus Plebis scelere & audacia singulari &c.

Questio 4. Quomodo fit amplificatio à contrariarum rerum pugnâ ?

R. Cum eadem res per multas Antitheses exag-
getatur .

Cicero in Antonium : Tam autem eras extors , ut tota in oratione tecum ipse pugnares ; ut non modò non coherentia inter se diceres , sed maximè disjuncta atque contraria ; ut non tanta mecum , quanta tecum tibi esset contentio . Virricum tuum in tanto sceleri esse fatebâre ; pœnâ affectum querebâre Ita quod propriè meum est , laudasti , quod totius Senatus , reprehendisti .

Et in Catilinam . Hoc verò quis ferre possit , inertes homines fortissimis insidiari , stultissimos pruden-

tissimis, ebriosos sobrios, dormientes vigilantibus?

Et in Pisonem: Qui latrones igitur, siquidem
vos Consules? qui prædones, qui hostes, qui prodito-
res, qui Tyranni nominabuntur? Magnum nomen
est, magna Majestas Consulis: non capiunt angustia
pectoris tui: non recipit levitas ista, non egestas ani-
mi, non infirmitas ingenii sustinet; non insolentia
rerum secundarum tantam personam, tam gravem,
tam severam.

Pro Milone. Hiccine vir patriæ natus, usquam
nisi in patria morietur? aut si fortè pro patria, hujus
vos animi monumenta retinebitis, corporis in Italia
nullum sepulchrum esse patiemini? bunc suā quisquam
sententia ex hac urbe expellet, quem omnes urbes ex-
pulsum à vobis ad se vocabunt?

Questio 5. Quomodo sit Amplificatio per ad-
junctorum congeriem?

¶ Cùm plures ejusdem rei circumstantiæ ad rem
augendam minuendamve congeruntur. Conti-
nentur illæ vulgari hec versa: *Quis, Quid, Ubi,*
Quibus auxiliis. Cur, Quomodo, Quando.

Ex hoc loco Tullius ebrietatem Antonii Philip. 2.
exagitat atque amplificat. Tu istis faucibus, istis
lateribus, istâ gladiatoria totius corporis firmitate,
tantum vini in Hippia nuptiis exhauseras, ut tibi ne-
cessè esset, in conspectu populi Rom. vomere postridie.
O rem non modò visu fædam sed etiam auditu! si in-
ter cænam, in tuis illis immanibus poculis, hoc tibi
accidisset, quis non turpe duceret? in cætu vero populi
Rom. negotium publicum gerens, Magister equitum,
cui ructare turpe esset, frustis esculentis vinum redolen-
tibus gremium suum & totum tribunal implerit. Alia
Exempla vide pag. 17. de Adjunctis

Quæ-

Questio 6. Quomodo fit Amplificatio à conge-
rie Causarum, Effectorum, Exemplorum?
R. Multas causas vel effectus rei ejusdem con-
globando; & plura exempla in medium afferendo
ad eandem veritatem confirmandam. Vide dicta
superiùs.

Questio 7. Quomodo fit Amplificatio à Com-
paratione?

R. Id pariter ex dictis de comparatione intelligi
potest. Hic addo Exemplum elegans Sancti Cy-
priani, amplificantis hanc Sententiam,

*Si herus delinquentem servum punit, cur Deus de
homine peccante supplicium non sumet?*

Ipse de servo tuo supplicium exigis. & hominem
homo obedire compellis, cum sit eadem vobis sors
nascendi, conditio una moriendi, corporis mate-
ria consumilis, animarum ratio communis, cum
æquali jure & pari lege vel veniatur in hunc mun-
dam, vel de hoc mundo recedatur: tamen nisi arbi-
trio tuo tibi serviatur; nisi voluntatis nutui parea-
tur, imperiosus servitutis exactor flagellis verberas;
fame, siti, nuditate, frequenter ferro & carcere
affligis & crucias; & non agnoscis Dominum Deum
tuum, cum sic exerceas ipse Dominatum?

ARTICULUS II.

DE

AFFECTIBUS.

Maxima vis existit oratoris, teste Tullio, in ho-
minum mentibus permovendis atque affe-
ctibus ciendis. Quæ res licet omnium Judicio

difficillima sit, & captum juventutis ferè superet, tractanda tamen erit, ne ignota penitus atque deserta negligatur.

Est autem Affectus, Motus animi ex apprehensione boni vel mali exortus.

Ex Apprehensione boni, oriuntur Amor, Desitium, Gaudium, Spes & Desperatio : ex Apprehensione mali, Odium, Fuga, Tristitia, Timor, Audacia, Ira. De his sit.

Questio I. Quid est Amor, & quomodo excitatur?

R. Amor est motus animi in bonum, quatenus bonum est. Dividitur in amorem benevolentiae & in amorem concupiscentiae; Hic est, si alteri bonum velis & procures, propterea utilitatis causâ; ille est, si bonum velis alteri ipsius causâ, quem diligis. Unde amare nihil est aliud, quam alicui bona optare & procurare. Amamus autem eos, quos eximia aliquâ bonitate, vel mentis vel corporis, ut, virtute, scientia, ingenio, arte, formâ, viribus, voce, saltu aliisque dotibus praeditos videsmus : hæc enim omnia, incentiva amoris & benevolentiae dicuntur.

Amamus præterea nobis similes vel ætate, vel genere, vel indole, moribus, studiis, laboribus, aliisque ejusmodi : uti & bene de nobis meritos, addictos, fidos & candidos. Quare si vel nos esse tales, vel eum, quem commendamus, ostendimus, Amorem ac benevolentiam conciliabimus.

Cicero Philip. 6. Amorem in temp. declarat.
An non ego provideam meis civibus & non dies noctes que de vestra libertate, de reip. salute cogitem? quid enim non debeo vobis, quem vos hominem à se ortum homi-

hominibus nobilissimis, omnibus honoribus prætulisti?

Et in Milonem. *Nunc me una consolatio sustentat, quod tibi, O Tite Anni! nullum à me amoris, nullum studii, nullum pietatis officium defuit: ego inimicitias potentium pro te appetivi; ego &c.*

Questio 2. *Quid est Desiderium, & quomodo excitatur?*

R. *Est appetitus boni absentis; Quod varium est. Nam auti desiderium, avaritia; honoris, ambitionis; voluptatis, libido; inutilis scientia, curiositas; honestæ laudis, æmulatio dicitur.*

Qui desiderant, non minus, quam amantes, diu noctuque inquieti sunt; Somnum non capiunt, suspirant, gemunt, timent, suspicantur, dolent, optant omnia.

Desiderium excitatur, si luculentè ostendatur esse bonum verum, esse solidè utile, esse honestum & jucundum: Si proferantur exempla eorum, qui omne studium ad consecutionem istius boni contulerunt; si vituperentur alia bona, tanquam inania, fluxa, caduca, temporalia.

Questio 6. *Quid est odium & quomodo excitat?*

R. *Est aversio animi constans, proveniens ab eo, quod malum est aut esse videtur.*

Excitatur odium, si gravi ac vehementer stylo auditoribus proponatur, V. G. vitiorum fæditas, enormitas & multitudo: si facta avare, crudeliter, ambitiosè, libidinosè in rem publicam, in cives, Deum & Sanctos; si illatæ injuriæ, damna, contumeliæ, graphicè depingantur: si compares hominem cum tyrannis, belluis &c. Hic triumphat Ciceron act. 7. in Verrem. Si hæc non ad Cives Roma-

nos, non ad aliquos amicos nostrae civitatis, non ad eos, qui Populi Romani nomen audissent; Denique si non ad homines, verum ad bestias, aut etiam ut longius progrediar, si in aliqua desertissima solitudine, ad saxa & scopulos hac conqueri & deplorare vellem, tamen omnia muta atque in anima tantâ & tam indignâ rerum atrocitate commoverentur. Nunc verò cum loquar apud Senatores Populi Romani, timere non debeo, ne non unus iste Rom. istâ cruce dignus, ceteri omnes simili periculo indignissimi judicentur:

Alibi similia odia in Catilinam & Antonium eocitat Cicero.

Questio 4. Quid est fuga? & quomodo excitabitur?

R. Fuga est Motus animi ad depellendum malum non quidem adhuc præsens, sed proximè immensus. Excitatur motus ille vivâ expositione omnium eorum damnorum & molestiarum, quas malum istud, ubi præsens fuerit, secum afferet. Proinde h̄ic valet locus Rheticus à congregatis effectibus.

Questio 5. Quid est Gaudium & quomodo excitabitur?

R. Gaudium est exultatio animi de bono præsenti. Excitabitur autem gaudium de tali bono, si ostendatur esse ingens, insperatum, partum magnâ virtute, obtentum illæsâ conscientiâ, applauditibus omnibus bonis, ringentibus malis.

Cicerio orat. in Pisonem. Unus ille dies mihi quidem immortalitatis instar fuit, cum in patriam redii; cum Senatum egressum vidi, Populamque Romanum universum. Cum mihi ipsa Roma propè convulsa sedibus suis ad conservatorem suum progredi visa est: qua me ita

ita accepit, ut non modò omnium generum, et atum, ordinum viri ac mulieres, sed etiam, mania ipsa vi-derentur & tecta urbis ac templo latari.

Q Uæstio. Quid est Tristitia & quomodo excita-bitur?

R. Tristitia est dolor animi ob malum præsens. Si dolor oriatur ex malo alterius, vocatur commis-satio. Excitatur ex contrariis fontibus, ex quibus gaudium nascitur; nimicum ex recordatione om-nium malorum, corporis, animæ, fortunatum, corūmque magnitudine, quæ in nos, in amicos, in familiam redundant: maximè ex commutatione sta-tus feliciſ ia infelicem, dignitatis in contem-ptum &c.

Cicero pro Sylla. O miserum & infelicem illum diem, quo Consul omnibus centuriis P. Sylla renuntia-tus est! o cæcam cupiditatem! o præpostoram gratula-tionem! quām citò illa omnia ex latitia & voluptate ad luctum & lacrymas reciderunt! ut, qui paulo antè Consul designatus fuisset, retineret repente nullum ve-stigium oris in dignitatis.

Pro Muræna. Modò maximo beneficio Populi Romani ornatus videbatur, quod primus in familiam veterem, primus in municipium antiquissimum, con-sulatum attulisset: nunc idem squalore sordidus, con-fectus morbo, lacrymis ac mœrore perditus, vester est supplex; vestram fidem obtestatur, misericordians implorat.

Vide Admirabilem Epilogum orat. pro Milone.

Q Uæstio 7. Quid Spes, Audacia & Desperatio?

R. Spes est desiderium boni absentis, ardui & difficilis, quod tamen labore acquire possit. Difficultatem hanc & laborem contemnere & supe-

rare, confidentis animi est atque audacis. Unde Audacia vel confidentia dicitur erectio animi ad mala ardua, quæ imminent, superanda. Unde & pars spei dici potest. Ad spem concipiendam excitatur animus, si ostendas difficultatem eandem ab aliis vel æqualibus vel inferioribus superatam fuisse; auxiliū Dei, cælitū, Amicorum non defuturum; gloriam & utilitatem labore & periculis longè majorem fore.

Cicero Philip. 3. in Antonium. Quæ quidem meā prudentiā, neque humanis consiliis, fretus polliceor vobis, quirites! sed multis & non dubiis Deorum immortalium significacionibus: quibus ego ducibus in hanc spem sententiāmque sum ingressus: qui jam non procul, ut quondam solebant, ab extero hoste atque longinquo, sed hic præsentes suo nomine atque auxilio sua templa & vobis tecta defendant.

Desperatio spei contraria, est dejectio animi, diffidentis, se ob nimiam difficultatem possè bonum obtinere vel malum avertere.

Promovetur argumentis, spei oppositis, si nempe virium defectus, infelix aliorum exitus, adversariorum infractus animus, subtractio auxiliorum oculos ponatur.

Questio 8. Quid timor & quomodo excitatur?
R. Timor est trepidatio animi & sensus doloris ex malo imminentे exortus.

Actiones timentium sunt, pallor, sudor, horror corporis, genuum debilitas, vigiliae, inquietus somnus, suspicio, gemitus, vota, ac demum fuga mali, si fieri possit.

Excitatur timor in sceleratis, conscientiā & recor-
datione criminum: in Aliis, cogitatione commu-
nis

his mali, ut pestis, belli, famis &c. Item mali proprii, mortis, jacturæ bonorum, famæ, &c. Nec non ex signis & portentis cœlestibus. Maximè verò timorem incutiunt mala, si diuturna erunt aut æterna.

Cicero Catilin. 4. *Videor mihi hanc urbem videre, lucem orbis terrarum atque arcem omnium gentium subito uno incendio concidentem &c. ut supra.*

Pisonem conscientiâ suâ pavidum atque cruciatum sic depingit: *Nunquam ego sanguinem expetiri tuum; nunquam illud extremum, quod posset esse improbis ac probis commune, supplicium legis ac judicium; sed abjectum, contemptum, despectum à ceteris, à te ipso desperatum & relatum, circumspectantem omnia, quidquid increbuissest, pertimescentem; dissidentem rebus suis: sine voce, sine libertate, sine auctoritate, sine ulla specie consulari, horrentem, trementem, adulantem omnibus videre te volui: vidi.*

Questio 9. Quid ira, & quomodo excitatur?

R. Ira est dolor animi ex malo præsenti & acerbo, quod ægrè depelli potest.

Aristoteles ait, esse appetitionem ultionis cum dolore, propter nostrî aliorumve contemptum.

Actiones icatorum sunt, minari, imprecari, exprobrare, convitiari, despicere, vindictam quædere &c.

Dissert ira ab odio, quod odium pertinax sit & sine dolore; ira cum dolore, & sæpe brevis.

R. Iram excitabis, si doceas injuriam contemptumque gravem, absque causa, cum fraude aut maledictis, cum exultatione & gaudio fuisse illatum: si despicientia facta sit cum læsione familie, à persona abjecta, ingrata vel consanguinea; si persona læsa fuerit benemerita, in honoribus posita &c.

Quæ-

Questio 10. Quænam observanda sunt oratoris in excitandis Affectibus? R^e. Sequentia:

1^o: In promptu Orator habeat figuræ ad motum faciendum idoneas, quales potissimum sunt Interrogatio, Prosopopæzia, Hypotiposis, Exclamatio, Apostrophe, Antithesis, Sustentatio: similius teneat modos omnes amplificandi, de quibus supra dictum; cùm amplificatione animus commoveri debeat.

2^o. Non prosiliat ad affectus concitandos, priusquam rem propositam luculentè demonstraverit, & auditori fidem fecerit: ignoti enim nulla cupido aut fuga est. Aliud tamen subinde circumstantia loci, temporis, personæ, aut ipsa rei communis notitia postulat.

Cicero in Catilinam & Pisonem, contra morem suum, statim à vehementi affectu orditur.

3^o. Ipse Orator commotus sit, ut alios commoveat; non enim accendet Auditores, si ipse frigeat, & non in ardescat. Ut autem facilius in se ipso ardores istos exciter, duo adjuvabunt. Primum, viva imaginatio rerum, de quibus agit, quâ se illis, & illas sibi intwendas sistit. Secundum, ipsa dicendi ratio, si nempe personam, V. G. Magdalenæ, Christum quærentis; vel Davidis lapsum suum dolentis induat, illius voces, suspiria, querelas, lachrimas imitetur, verbisque ac gestu exprimere conetur. Sic enim facilius sese, dein & alios commovebit.

4^o. Cum affectuum genus duplex sit, Lene, quod amorem, benevolentiam, dolorem, commiserationem aliisque moliores animi motus complectitur, & Vehemens, quod audaciam, iram, desperatio-

tionem, fugam, aliasque graviores commotiones continet; cavendum oratori erit, ne à vehementiori affectu incipiat, eumque longius producat; tūm ne vox nimium fatigetur, tūm, ne ardor animi, materiā deficiente, paulatim deficiat. Itaque à levibus & mollioribus ordiendum, ut sensim crescat affectus.

¶. Nosse etiam oportet indeolem, mores, inclinationesque eorum, qui movendi sunt. Aliis enim viri graves, aliis vulgus, aliis pueri, senesque moventur. Adolescens rebus jucundis, nobilis gloriā, mercator Lucro, miles prædā, plebs utilitato ducitur: & mortales passim omnes magis timore malorum, quam spe bonorum concitantur. Italos ac Germanos facilius utilitate, Gallos & Hispanos honore tenueris. Dabit igitur operam Orator, ut auditoribus orationem accommodet; iisque rebus, quibus maximè capiuntur, ad hos illösve affectus impellat.

Questio II. Potestne eadem res aut sententia per diversos affectus proponi & explicari?

R. Potest, hoc vel simili modo:

E X E M P L U M.

Mater per varios affectus mortem filii in bello occisi deplorat.

AFFECTUS AMORIS. *Quis sit animus matris in liberos, quotus quisque intelligit? tum deinde ego amare filium didici, cum infelicissime in bello perdidi. O misera sors orbitatis meæ! ô spes fallaces! ô frustra susceptæ curæ! an idcirco genueram, fili, ut essem, quem tristi morte sublatum lugerem? ego cùm te for-*

formâ & atate florentem videbam, ego cùm te familiâ columen sinufovebam: mihi certam salutem tuam pollicabar. Putavi, speravi, credulam eventus fecellit. Nunc vehementissimè doleo, omnia ex spe & voluptate ad calamitatem & orbitatem excidisse. Itaque, fili, tuâ morte matris vitam abstulisti, ipsique vivæ flentique funus duxisti: neque enim te mortuo diu superstes esse possum.

D E S I D E R I L. Egote non requiram, nate? aut possim tui unquam oblivisci? aut aliquid à me præterspiria & lacrymashabebis? ipsæ, ipsæ dulces lacryma, ipsi fletus jucundi, quibus animi dolor & desiderium tui, nate, explebitur. O non amari dies, quibus charum filium animo & recordatione complectar, aspiciam, alloquar, osculabor! ô non flebiles noctes, quæ nullius aut modici somni socium & comitem non importunum referetis.

O D I L. Quantum, quāmque immane monstrum est bellum? apud quos conceptum dicemus! vah portentum! vah labes! vah gorges & charybdis infensa! quot hominum sanguinem gustasti, vel potius excorbiisti? quot tu fortes viros, robur patriæ; quot claros juvenes, florem nobilitatis; quot adultos jam liberos, spem ac delicias familiarum, quos ad fortunam vita servabat, crudelissimè contrucidasti? Nunquam ego immanitatem tuam tacebo, quam in ipsam me parentem ac meum filium adhibuisti: nunquam imprecari tibi, & exprobare, & persequi te desinam.

F U G Æ. Perhorrescite, matres, detestata jam pri-dem bella: has voragini scopulosque filiorum nostrorum fugite. Nulla jam tot annis jactura & clades existit, nisi bello: nulla vis, nulla fax, nullum flagitium, nulla cædes sine bello. Procul bellum è finibus nostris sit in Turcas & Barbaros! Bellum omnis matrona fugit oculis, respuit animo, recordatione perhorrescit. **I R Æ**

I.R.E. Cernitis percussorem filii; an sola mater vi-
deo? non videris furorem hostium? non repentinum im-
petum? non versatur ante oculos vobis in cæde nefarius
miles? non adest barbarus? non suis manibus intentat
ensem? non filii jugulum præcidit? Perditissimè mor-
talium, quid te sceleratus? istam ego furiam exagita-
bo: non repetam sanguinem filii? non vindicem Deum
appellabo?

TRISTITIÆ. Adestis amici? verùm quo tan-
dem animo adestis? utrum ego amens sum, & plusquam
satis est, doleo in tanta calamitate & morte filii? an vos
quoque hic obitus & mœror pari sensu doloris afficit?
nam si non ad amicos, si non ad homines, verùm ad be-
stias, aut etiam, ut longius progrediar, si in aliqua
desertissima solitudine ad saxa & scopulos hæc conqueri
ac deplorare vellem; tamen omnia muta atque in anima
tam crudeli morte filii moverentur: nunc vero pietatem
vestram & amicitiam obtestor, non vereor, ne non misera-
recordiam tribuatis aliquam fortissimo juveni in etatis
flore, pro patria & Catholica fide perempto.

S.P.E.I. Etsi omnis spes mea, fili, cum salute tua
occubuit, erigo me nonnunquam, & futura prospicio,
quasi fortunata sit mors tua. Communicabo, ni fallor, cum
gloria tua veniam in partem meritorum, triumphat ma-
ter de morte filii: negat enim patria pro qua fortiter occi-
disti, negat se ingratam esse, negat superstitem matrem
carere propositis honoribus debere. Hæc me spes alit,
& excitat: vives in gloriosa matre filius: quid perdidierim
non reputabo; quid morte tua acquisierim, id astimabo.

AUDACIÆ. Ego te mortuum cum mea salute
complector, fili, nec me solam tuæ mortis commiseran-
tem, sed comitem habebis. Utinam hoc pectus gladiis
objicere, & adversa, fili, tua vulnera recipere potuis-
sem!

sem! nullam ego acerbitatem, nullam impressionem, nullam vim pertinuisse, ut te manibus armatorum hostium eripuisse, sed nunc mori non refugio, lacesto mortem, & provoco, ut properet, ut nos ocyus uno eodemque tumulo conjungat.

DESPERATIONIS. Actum est: periit: nequidquam homines, superosque implorem: mors immansueta mitigari non potuit, nec jam precibus infernus recludetur: neque ab hoc ejecto cadavere quidquam mihi opis expectabo. Omnia sunt in hoc funere misera. Quid mihi restat, nisi solitudo, aut mortis consilium, aut vita morte acerbior?

TIMORIS. Vos testor, cælites, ego equidem bellorum rabiem ac furorem in istis armorum motibus semper filio putavi esse fugiendum: Signa & tubæ, pulsataque tympana præsagienti matris semper metum atque horrorem attulerunt. Tum si quis, è commilitonibus filii, in pugna audiebatur cæsus esse, augebatur metus mali appropinquantis: quare animus cum languore corporis ac timore debilitatus incidit in varia visa & incerta, quorum perturbatione tristes sœpè extitarunt species somniorum, quæ flebilem illam mortem portenderunt.

GAUDII. Quid! ego lugeam illum, qui se defeli ritat? vivit filius inter cælites, & qui extremum spiritum in victoria effudit, heroum est sedem & locum consecutus. O fortunata mors! ô felicem & beatum diem! quem mibi, & patriæ, & filio natalem Superi esse voluerunt! itaque, quod ne optandum quidem est homini, immortalitatem quamdam per te & tecum, fili, videor adepta. Ducyg.

